



SLUŽBENE NOVINE GRADA ZENICA

GODINA XLIX
Broj 1

Ponedjeljak, 16.01.2023. godine

ISSN 1840-4588

GRADSKO VIJEĆE

1.

Na osnovu člana 21. tačka 10) Statuta Grada Zenica ("Službene novine Grada Zenica", broj: 5/15) i člana 3. Odluke o korišćenju javnih površina ("Službene novine općine Zenica", broj: 9/99 i "Službene novine Grada Zenica", broj: 1/18), Gradsko vijeće Zenica, na 29. sjednici održanoj 16.01.2023. godine, donijelo je

PLAN

KORIŠĆENJA JAVNIH POVRŠINA NA PODRUČJU GRADA ZENICA ZA 2023. GODINU

I UVODNE ODREDBE

Član 1.

(1) Plan korišćenja javnih površina na području Grada Zenica za 2023. godinu (u daljem tekstu: Plan), sadrži detaljno označene površine i lokacije na kojima se može vršiti privremeno zauzimanje javnih površina, kao i urbanističko-tehničke uslove i druge elemente potrebne za izdavanje odobrenja za zauzimanje javnih površina.

(2) Plan sadrži tekstualni i grafički dio.

(3) Tekstualni dio Plana sadrži bliži opis i broj lokacija koje se daju na korišćenje sa sadržajem i namjenom koja će se obavljati na planiranim lokacijama.

(4) Grafički dio Plana sadrži prikaz planiranih lokacija za privremene objekte, odnosno namjene sa odgovarajućim oznakama i dimenzijama, s tim da su lokacije ljetnih bašti na grafičkom prilogu prikazane samo u obuhvatu Ekstra i Ia zone.

Član 2.

Plan je osnov za izdavanje odobrenja za korišćenje javnih površina u 2023. godini, za namjene koje su propisane članom 5. Odluke o korišćenju javnih površina.

Član 3.

(1) Planom je predviđeno privremeno korišćenje javnih površina na području grada Zenica za sljedeće namjene:

- a) postavljanje tipskih kioska do 20 m²,
- b) postavljanje ljetnih bašti ispred ugostiteljskih objekata,
- c) postavljanje slobodnostojećih ljetnih bašti,
- d) postavljanje zimskih bašti ispred ugostiteljskih objekata,
- e) postavljanje prodajnih stolova - tezgi ispred trgovinskih objekata za prodaju i izlaganje robe,
- f) postavljanje rashladnih uređaja (frižidera),
- g) postavljanje prodajnih stolova (pokretnih tezgi) za prodaju ukrasnih predmeta, bižuterije i slično, te prodaja pečenjarskih proizvoda i umjetničkih slika,
- h) postavljanje prodajnih stolova povodom praznika (Nova godina, Osmi mart, vjerski praznici),
- i) postavljanje dječije igraone - trampoline,
- j) postavljanje reklamnih objekata (panoi tipa „jumbo“, „city light“ i slično).

(2) Za manifestacije i događaje koji se održavaju na području grada, kao i za druge namjene koje su utvrđene Odlukom o korišćenju javnih površina, a nisu obuhvaćene ovim planom, Služba za urbanizam može odobriti korišćenje javnih površina na osnovu važećih propisa.

II POSTAVLJANJE MONTAŽNIH OBJEKATA TIPA „KIOSK“

Član 4.

(1) Kiosk je montažno-demontažni, lako prenosivi objekat, koji se ne može zidati, već samo postaviti na određenu lokaciju na javnoj površini i na tom mjestu finalizirati montažom dodatnih elemenata, minimalnim radovima na izradi podloge i priključiti na komunalnu infrastrukturu.

(2) Planom se zadržavaju lokacije za postojeće kioske i planira pet novih lokacija za postavljanje tipskih kioska u ulicama Crkvice, Armije BiH, Prve zeničke brigade, Željeznička i Travnička, a koje će se dodjeljivati na osnovu javnog oglasa – licitacije za namjene obavljanja djelatnosti prodaje štampe i duhanskih proizvoda.

Lokacije planiranih kioska prikazane su na grafičkom prilogu broj 1.

III POSTAVLJANJE LJETNIH BAŠTI ISPRED UGOSTITELJSKIH OBJEKATA

Član 5.

- (1) Ispred objekata ili poslovnih prostora u kojima se obavlja ugostiteljska djelatnost dozvoljava se postavljanje stolova i formiranje ljetne bašte na javnoj površini u periodu trajanja „ljetne sezone“ od 01.04. do 30.09.2023. godine.
- (2) Zahtjevi za privremeno korišćenje javne površine za postavljanje ljetnih bašti ispred postojećih ugostiteljskih objekata mogu se podnijeti Službi za urbanizam do 30.03.2023. godine, izuzev zahtjeva koji se odnose za postavljanje ljetnih bašti novoformiranih ugostiteljskih objekata.
- (3) Zbog povoljnijih vremenskih prilika, izuzetno se može produžiti trajanje ljetne sezona do 15.11.2023. godine, te su u tom slučaju vlasnici ugostiteljskih objekata dužni Službi za urbanizam podnijeti zahtjev za zadržavanje lokacije, do 20.09.2023. godine.
- (4) Ljetna sezona za postavljanje ljetnih bašti na rijeci Bosni, zbog njihovog specifičnog položaja i uticaja rijeke, traje pet mjeseci i to od 01.05. do 30.09.2023. godine.

Član 6.

- (1) Broj lokacija za postavljanje ljetnih bašti je promjenljiv i iste su podijeljene u četiri zone: Ekstra zona, I-a zona, I zona i II zona.
- (2) Planom se posebno utvrđuju dimenzije i opremanje ljetnih bašti u Ekstra zoni i I-a zoni.
- (3) Ekstra zona obuhvata ulice Stara čaršija, Trg Alije Izetbegovića, uključujući i plato kina Ekran, Talića brdo i Londža, a I-a zona obuhvata ulice Maršala Tita, Islambegovića put, Dr. Safvet bega Bašagića, Muhameda Seida Serdarevića, Bulevar Ezhera Eze Ernautovića, Bulevar Kulina bana, Bulevar kralja Tvrtka I, Kučukovića put, Branilaca Bosne, Sarajevska (do Bojina vira) i Armije BiH.
- (4) Prva zona određena je granicama zonske podjele građevinskog zemljišta propisane odredbom člana 9. Odluke o građevinskom zemljištu Grada Zenica (“Službene novine općine Zenica”, broj: 4/07, 2/08-prečišćen tekst, 2/08, 5/08, 1/10, 2/11, 2/13 i 1/14 i “Službene novine Grada Zenica“, broj: 2/15, 2/16, 3/17, 2/18 i 1/20) i obuhvata I i II stambenu zonu, a druga zona obuhvata III i IV stambenu zonu.

Član 7.

- (1) Ljetne bašte ispred ugostiteljskih objekata u sklopu „Stare čaršije“ moguće je planirati u okviru građevinske linije isključivo ispred (u frontu) ugostiteljskog objekta.
- (2) Postavljanje ljetne bašte na ostalim lokacijama ispred ugostiteljskih objekata na području grada određuje se prema urbanističko-tehničkim uslovima Službe za urbanizam.
- (3) Postavljanje ljetnih bašti ispred novoformiranih ugostiteljskih objekata, koji su započeli sa radom nakon donošenja ovoga plana, određuje se prema urbanističko-tehničkim uslovima Službe za urbanizam, u skladu sa lokacijom, prostornim mogućnostima i općim odredbama za postavljanje ljetnih bašti.
- (4) Proširenje ljetnih bašti u odnosu na dimenzije utvrđene u Grafičkom prilogu koji čini sastavni dio Plana, može se omogućiti izuzetno, ako postoje urbanističko-tehnički uslovi za proširenje ljetne bašte na javnu površinu.

Član 8.

- (1) Ljetne bašte u Ekstra zoni i I-a zoni opremaju se jednoobraznim urbanim mobilijarom (stolovi i stolice), koje moraju biti moderno dizajnirane i izrađene od savremenih materijala.
- (2) U ljetnim baštama mogu se postaviti suncobrani, koji mogu biti četvrtasti, slobodnostojeći, jednoobrazni, u crvenoj, sivoj, bež ili bijeloj boji i koji mogu imati reklamu samo po obodu ili tende koje mogu biti u crvenoj, sivoj, bež ili bijeloj boji i mogu imati reklamu po obodima na maksimalno 10% površine tende na donjem rubu i u dimenzijama koje propiše Služba za urbanizam.
- (3) Postavljeni i otvoreni suncobrani odnosno tende, mogu natkrivati samo tlocrtnu površinu ukupne površine odobrene ljetne bašte, bez zatvaranja bočnih vertikalnih strana.

Član 9.

- (1) Na ravnom terenu elementi ljetne bašte postavljaju se direktno na teren, bez podnih platformi, bez ikakvog oblaganja ili postavljanja itisona, odnosno sličnih pokrivala.
- (2) Na terenu koji je u nagibu površina za upotrebu treba da ima podnu platformu od montažno - demontažnih elemenata sa završnom obradom od drveta ili sintetičkih materijala (WPC).
- (3) Prostor koji se koristi za postavljanje stolova može se ograditi transparentno do visine stolova samo ukoliko je postavljena podna platforma, a iznimno u svrhu estetskog oblikovanja za ograđivanje se mogu koristiti žardinjere.

Član 10.

- (1) Vlasnici ugostiteljskih objekata koji ispred objekata imaju stolove, stolice, fiksne tende i podije, a koriste ljetnu baštu u periodu od 01.04. do 30.09.2023. godine, te redovno mjesečno izmiruju naknadu za korišćenje javne površine za ljetnu baštu do desetog u mjesecu, ostvaruju pravo na period korišćenja „ljetne bašte“ van sezone u trajanju od šest mjeseci, bez plaćanja naknade.
- (2) Vlasnici ugostiteljskih objekata, koji koriste ljetnu baštu u periodu manjem od perioda iz stava (1) ovog člana bez obzira na način plaćanja naknade za korišćenje javne površine za ljetnu baštu, neće moći ostvariti pravo na period korišćenja „ljetne bašte“ van sezone.

Lokacije i dimenzije ljetnih bašti ispred ugostiteljskih objekata u Ekstra i I-a zoni prikazane su na grafičkom prilogu broj 2.

IV POSTAVLJANJE SLOBODNOSTOJEĆIH LJETNIH BAŠTI**Član 11.**

- (1) Slobodnostojeće ljetne bašte lociraju se na slobodnim površinama i nisu direktno vezane za određeni ugostiteljski objekat.
- (2) Dodjela lokacija za postavljanje slobodnostojećih ljetnih bašti vršit će se na osnovu javnog oglasa putem javne licitacije.
- (3) Planom su utvrđene četiri slobodnostojeće ljetne bašte.
- (4) Lokacije planiranih slobodnostojećih ljetnih bašti označene na tabelarnom pregledu pod rednim brojem: 1., 2. i 3. nalaze se na dijelu platoa „Kameni spavač“, a pod rednim brojem 4. na dijelu platoa do stambeno – poslovnog objekta u dijelu do „ASA BANKA“.

Član 12.

- (1) Slobodnostojeće ljetne bašte opremaju se jednoobraznim urbanim mobilijarom (stolovi i stolice), koje moraju biti moderno dizajnirane, izrađene od savremenih materijala.
- (2) U slobodnostojećim ljetnim baštama mogu se postaviti suncobrani koji mogu biti četvrtasti, slobodnostojeći, jednoobrazni u crvenoj, sivoj, bež ili bijeloj boji, koji mogu imati reklamu samo po obodu.
- (3) U slobodnostojećim ljetnim baštama nije predviđeno postavljanje mobilnog šanka i opreme za držanje pića.

Tabelarni prikaz slobodnostojećih ljetnih bašti:

BR	VRSTA OBJEKTA	LOKACIJA	POVRŠINA (m ²)
1.	Slobodnostojeća ljetna bašta (slobodna)	Dio platoa „Kameni spavač“	146,00
2.	Slobodnostojeća ljetna bašta (slobodna)	Dio platoa „Kameni spavač“	85,00
3.	Slobodnostojeća ljetna bašta(slobodna)	Dio platoa „Kameni spavač“	100,00
4.	Slobodnostojeća ljetna bašta(slobodna)	Dio platoa do „ASA BANKE“	75,00

Lokacije slobodnostojećih ljetnih bašti prikazane su na grafičkom prilogu broj 3.

V POSTAVLJANJE ZIMSKIH BAŠTI ISPRED UGOSTITELJSKIH OBJEKATA**Član 13.**

(1) Sezona zimskih bašti u 2023. godini traje od 01.10.2023. do 31.03.2024. godine.

(2) Planom je odobreno je postavljanje 26 zimskih bašti i to:

- 20 na postojećim lokacijama (sedam ispred ugostiteljskih objekata i 13 ispred montažnog objekta tipa - kiosk u kojima se obavlja ugostiteljska djelatnost),
- šest (6) novih lokacija.

(3) Postavljene zimske bašte ispred objekata u kojima se obavlja ugostiteljska djelatnost odobravaju se samo u postojećim, već odobrenim dimenzijama i površinama, bez mogućnosti njihovog proširenja.

Tabelarni pregled postojećih zimskih bašti:

RB	LOKACIJA	DIMENZIJE/ POVRŠINA (m ²)	ZONA	LOKACIJA ZIMSKE BAŠTE PREMA VRSTI OBJEKTA U KOJEM SE OBAVLJA UGOSTITELJSKA DJELATNOST	
				Poslovni prostor	Kiosk
1.	Trg Alije Izetbegovića („Ena“)	24,16	E zona		*
2.	Trg Alije Izetbegovića („Zara“)	29,30	E zona		*
3.	Trg Alije Izetbegovića („Venecia“)	58,50	E zona		*
4.	Trg Alije Izetbegovića („Collegium garden“)	89,44	E zona	*	
5.	Londža („Yumbo“)	36,25	E zona		*
6.	Londža („Lađana“)	21,00	E zona		*
7.	Bulevar kralja Tvrtka I („Viva“)	46,35	I-a zona		*

8.	Bulevar kralja Tvrtka I („Inn Macchiato“)	17,60	I-a zona	*	
9.	Safvet bega Bašagića („Kec“)	40,00	I-a zona		*
10.	Armije BiH („Passage“)	24,64	I-a zona	*	
11.	Masarykova („MC Milano“)	65,00	I zona	*	
12.	Fra Ivana Jukića („Company Zara“)	39,85	I zona		*
13.	Dr A. Aska Borića („Beny“)	18,56	I zona		*
14.	Dr A. Aska Borića („Kaktus“)	24,00	I zona		*
15.	Dr A. Aska Borića („Klopa“)	29,00	I zona		*
16.	Dr A. Aska Borića („Salčinović“)	45,00	I zona	*	
17.	Uzunovića put („Piccolo“)	37,85	I zona	*	
18.	Travnička cesta („Mega food“)	18,00	I zona		*
19.	Bistua Nuova („Derby“)	53,40	I zona		*
20.	Bistua Nuova („Essen“)	6,60	I zona	*	
21.	Juraja Neidharta („Trend“)	25,55	II zona	*	
22.	Sarajevska („Veni“)	47,27	I a zona	*	
23.	Crkvice („EON_B“)	16,50	II zona	*	
24.	Osmančević Samir („ZS“)	48,00	I a zona	*	
25.	Fra Grge Martića („GREEN GRASS“)	35,04	I a zna	*	
26.	Sarajevska (Club EE)	16,80	I zona	*	

Lokacije postojećih zimskih bašti prikazane su na grafičkom prilogu broj 4.

Član 14.

(1) Postavljanje novih zimskih bašti ispred objekata u kojima se obavlja ugostiteljska djelatnost vrši se na osnovu podnesenih zahtjeva vlasnika ugostiteljskih objekata do 31.07.2023. godine.

(2) Zimska bašta je montažnog tipa, zatvorena kliznim staklenim stijenama, uz upotrebu svih savremenih materijala sa aspekta obrade enterijera i eksterijera. Krov bašte može biti pomični ili fiksni od materijala kao

što su PVC, staklo, impregnirana platna i slično. Zimska bašta uglavnom zauzima prostor ljetne bašte – ispred ugostiteljskog objekta, naslonjena na njega ili kao odvojeni (samostalni objekat). Ako se bašta naslanja na objekat, zavisno od lokacije dužina iste je u dužini ugostiteljskog objekta, a širinu bašte prilagoditi uslovima na terenu.

VI POSTAVLJANJE PRODAJNIH STOLOVA - TEZGI ISPRED TRGOVINSKIH OBJEKATA ZA PRODAJU I IZLAGANJE ROBE

Član 15.

(1) Prodajni sto (tezga) je tipski, otvoreni, lako pokretni objekat za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje ili prodaju cvijeća, voća i povrća.

(2) Postavljanje tezgi ispred poslovnih prostora vrši se prema urbanističko-tehničkim uslovima koje izdaje Služba za urbanizam.

(3) Postavljanje tezgi vrši se frontalno cijelom dužinom poslovnog prostora u širini od maksimalno 1,0 m, pod uslovom da isti ne ugrožavaju saobraćaj i kretanje pješaka.

VII POSTAVLJANJE RASHLADNIH UREĐAJA (FRIŽIDERA)

Član 16.

Postavljanje rashladnih uređaja vrši se prema urbanističko-tehničkim uslovima koje izdaje Služba za urbanizam i to frontalno ispred poslovnog prostora (kioska) u širini od maksimalno 1,0 m, pod uslovom da takvi uređaji ne ugrožavaju saobraćaj i kretanje pješaka po trotoarima.

VIII POSTAVLJANJE PRODAJNIH STOLOVA (POKRETNIH TEZGI) ZA PRODAJU UKRA-SNIH PREDMETA, BIŽUTERIJE I SLIČNO, TE PRODAJA PEČENJARSKIH PROIZVODA I UMJETNIČKIH SLIKA

Član 17.

(1) Samostojeći sto ili pokretna tezga je tipski, otvoreni, lako pokretni objekat za izlaganje i prodaju robe, izrađen od drveta ili metala, jednostavnog oblika, tako da se rasklapanjem pretvara u horizontalnu ili vertikalnu površinu za izlaganje i prodaju robe.

(2) Uz prodajni sto može se postaviti suncobran u bijeloj, bež ili sivoj boji, bez natpisa.

(3) Postavljanje samostojećih stolova za prodaju ukrasnih predmeta, bižuterije i slično, te prodaja pečenjarskih proizvoda i umjetničkih slika, vrši se prema urbanističko-tehničkim uslovima koje izdaje Služba za urbanizam.

(4) Planirano je 12 lokacija za postavljanje samostojećih stolova za namjene iz stava (3) ovog člana.

Postavljanje samostojećih stolova za prodaju ukrasnih predmeta, suvenira, bižuterije, knjiga i slično:

RB	LOKALITET	BROJ
1.	Trotoar na Trgu Alije Izetbegovića (prema objektu „Kineski zid“)	6
2.	Trotoar ulice Londža (preko puta stambeno-poslovnog objekta „Maksuzija“)	3
3.	Trotoar ulice Dr.Abdulaziza Aska Borića (preko puta parka „Papirna“)	3
U K U P N O :		12

Postavljanje uređaja za pečenje pečenjarskih proizvoda:

RB	LOKALITET	BROJ
1.	Plato „Kameni spavač“	2
UKUPNO:		2

Izlaganje i prodaja umjetničkih slika:

RB	LOKALITET	BROJ
1.	Trg Alije Izetbegovića (uz bočnu fasadu stambeno-poslovnog objekta u dijelu koji pripada prodavnici „DM“)	1
2.	Trg Alije Izetbegovića (na dijelu trotoara kod ljetne bašte objekta „Mlinar“)	1
UKUPNO:		2

Lokacije slobodnostojećih stolova za prodaju prikazane su na grafičkom prilogu broj 5.

IX POSTAVLJANJE PRODAJNIH STOLOVA POVODOM PRAZNIKA**Član 18.*****Nova godina***

(1) Period korišćenja javne površine za prodaju proizvoda kućne radinosti, suvenira, bižuterije, za novogodišnje praznike je od 15.12.2023. do 15.01.2024.godine.

(2) Planom je predviđeno 26 prodajnih mjesta za novogodišnje praznike na lokalitetima, kako je prikazano u tabeli:

RB	LOKACIJE ZA NOVU GODINU	BROJ
1.	Trg Alije Izetbegovića (plato „Stara pijaca“)	5
2.	Ulica Londža (kod OŠ „Edhem Mulabdić“)	5
3.	Ulica Dr. Abdulaziza Aska Borića (preko puta parka „Papirna“)	10
4.	Bulevar Kulina bana (plato ispred stambeno-poslovnog objekta „Lamela“)	2
5.	Ulica Masarykova (plato ispred objekta „Pošte“)	2
6.	Ulica Blatuša (plato ispred samoposluge „Best“)	2
UKUPNO:		26

Osmi mart

(3) Period korišćenja javne površine za prodaju proizvoda kućne radinosti, suvenira, bižuterije i cvijeća za osmomartovske praznike je od 06.03. do 09.03.2023. godine.

(4) Planom su predviđena su 34 prodajna mjesta za 8. mart na lokalitetima, kako je prikazano u tabeli:

RB	LOKACIJE ZA 8. MART	BROJ
1.	Trg Alije Izetbegovića (plato „Stara pijaca“)	5
2.	Trg Alije Izetbegovića (od objekta „DM“-a do „Kamenog spavača“)	8
3.	Ulica Londža (kod OŠ „Edhem Mulabdić“)	5
4.	Ulica Dr. Abdulaziza Aska Borića (preko puta parka „Papirna“)	10
5.	Bulevar Kulina Bana (plato ispred stambeno-poslovnog objekta „Lamela“)	2

6.	Ulica Masarykova (plato ispred objekta „Pošte“)	2
7.	Ulica Blatuša (plato ispred samoposluge „Best“)	2
U K U P N O:		34

Vjerski praznici

(5) Period korišćenja javne površine za prodaju proizvoda kućne radinosti, suvenira, bižuterije i cvijeća za vjerske praznike (Bajram, Uskrs, Dan mrtvih i slično) će se prilagoditi datumu praznika.

(6) Predviđeno je 12 prodajnih mjesta za vjerske praznike na lokalitetima kako je prikazano u tabeli:

RB	LOKACIJE ZA VJERSKE PRAZNIKE	BROJ
1.	Trg Alije Izetbegovića (plato „Stara pijaca“)	3
2.	Ulica Ivana Gundulića (plato gradske kapele)	5
3.	Ulica Ivana Gundulića (kapija II gradskog groblja „Crkvice“)	2
4.	Ulica Prašnice (kapija gradskog groblja „Prašnice“)	2
U K U P N O:		12

Lokacije planiranih prodajnih stolova povodom praznika prikazane su na grafičkom prilogu broj 6.

X POSTAVLJANJE DJEČIJE IGRAONE – TRAMPOLINE**Član 19.**

(1) Za postavljanje dječije igraone na napuhivanje planirana je jedna lokacija sa sjeverozapadne strane poslovnog objekta RK „Bosna“.

(2) Period korišćenja je od 20.05. do 15.09.2023. godine.

Lokacija planirana za postavljanje dječije igraone-trampoline prikazana je na grafičkom prilogu broj 7.

XI POSTAVLJANJE REKLAMNIH OBJEKATA**Član 20.**

(1) Reklamni objekti – rasvjetni reklamni stub i panoi tipa „led bilbord“, „jumbo pano“ i „city light“ postavljaju se na javnu površinu, a dodjela lokacija za postavljanje reklamnih panoa vrši se putem konkursa.

(2) Planom je predviđeno ukupno 56 lokacija za postavljanje reklamnih panoa i to :

- 50 postojećih lokacija
- šest (6) novih lokacija.

Tabelarni pregled:

RB	VRSTA REKLAMNOG PANOVA	BROJ
1.	City light	20
2.	Jumbo panoi	27
3.	Led bilbord	7
4.	Okrugli rasvjetni reklamni stub	2
U K U P N O:		56

(3) Izuzetno, može se odobriti privremeno postavljanje opreme za javno oglašavanje na mjestima koja nisu određena ovim planom, kao i odrediti mjesta za slobodno plakatanje, ako postojeći objekti ne zadovolja-

vaju povećanu potrebu za oglašavanjem, a na osnovu urbanističko-tehničkih uslova koje određuje Služba za urbanizam.

Lokacije planirane za postavljanje reklamnih panoa prikazane su na grafičkom prilogu broj 8.

XII ZAVRŠNE ODREDBE

Član 21.

Plan lokacija za korišćenje javnih površina na području grada Zenica za 2023. godinu stupa na snagu danom donošenja, a objaviće se u „Službenim novinama Grada Zenica“.

Broj: 01-45-1164/23

Zenica, 16.01.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

2.

Na osnovu člana 8. i 13. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), člana 23. Zakona o komunalnim djelatnostima („Službene novine Zeničko-dobojskog kantona“, broj 17/08) i člana 21. i 116. Statuta Grada Zenica („Službene novine Grada Zenica“, broj 5/15), Gradsko vijeće Zenica na 29. sjednici, održanoj dana 16.01.2023. godine, donosi

ODLUKU

o izmjeni Odluke o komunalnim djelatnostima zajedničke potrošnje

Član 1.

Ovom odlukom vrši se izmjena Odluke o komunalnim djelatnostima zajedničke potrošnje („Službene novine Općine Zenica“, broj: 7/01, 4/07, 3/08, 1/10, 2/11, 4/13 i 2/14) i („Službene novine Grada Zenica“, broj: 1/16, 1/18, 4/18, 5/18, 1/19, 1/20 i 2/22).

Član 2.

Član 11. Odluke mijenja se i glasi:

„Odredbе ove Odluke koje se odnose na obavezu plaćanja komunalne naknade za stambeni prostor primjenjivat će se od 01.01.2024. godine.

Član 3.

Ova Odluka stupa na snagu danom objavljivanja u „Službenim novinama Grada Zenica“.

Broj: 01-45-889/23

Zenica, 16.01.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

3.

Na osnovu člana 10. stav (2) Zakona o porezu na promet nekretnina („Službene novine Zeničko-dobojskog kantona“, broj: 6/09, 6/13, 6/18 i 12/20), člana 34. tačka 7) i 21. tačka 18) Statuta Grada Zenica („Službene novine Grada Zenica“, broj 5/15), te člana 3., 4. i 5. Pravilnika o načinu rada stručne komisije i kriterijima na osnovu kojih se vrši utvrđivanje tržišne vrijednosti nekretnina na području Grada Zenica („Službene novine Grada Zenica“, broj: 9/17), Gradsko vijeće Zenica na 29. sjednici, održanoj dana 16.01.2023. godine, donijelo je

R J E Š E N J E**o imenovanju stručnih komisija za utvrđivanje prometne vrijednosti nekretnina na području Grada Zenica****I**

Imenuju se stručne komisije za utvrđivanje prometne vrijednosti nekretnina (u daljem tekstu: komisije) u sastavu kako slijedi:

1. Emira Dajić, dipl. pravica, predsjednica,
2. Amir Subašić, dipl. ekonomista, član,
3. Ermin Osmančević, dipl. ekonomista, član.

1. Enisa Mulić, mr. uprave, predsjednica,
2. Edis Klepo, dipl. inženjer agronomije, član,
3. Amela Mehanović-Durmić, mr. geodezije, član.

II

Naknada za rad Komisije utvrđuje se u neto iznosu od 30,00 KM (po 10,00 KM za predsjednika i članove) za svaki riješen predmet.

III

Isplata naknade iz tačke II ovog Rješenja će se vršiti mjesečno, a na osnovu izvještaja o radu Komisije kojeg predsjednik Komisije dostavlja Službi za finansije na obračun i plaćanje.

Gradonačelnik može imenovati osobu koja će biti zadužena za komunikaciju sa Poreznom ispostavom Zenica i za koordinaciju rada komisija.

IV

Sredstva iz tačke II ovog Rješenja obezbjeđuju se u Budžetu Grada Zenica.

V

Stupanjem na snagu ovog Rješenja prestaje da važi Rješenje o imenovanju stručnih komisija za utvrđivanje prometne vrijednosti nekretnina na području Grada Zenica („Službene novine Grada Zenica“, broj: 7/20, 2/21 i 1/22).

VI

Ovo rješenje se izdaje na period od dvije godine i stupa na snagu danom objavljivanja u „Službenim novinama Grada Zenica“.

Broj: 01-45-901/23

Zenica, 16.01.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

4.

Na osnovu člana 21. tačka 17) Statuta Grada Zenica ("Službene novine Grada Zenica", broj 5/15) i člana 14. Odluke o javnim priznanjima ("Službene novine općine Zenica", broj:10/01- prečišćen tekst), Gradsko vijeće Zenica na 29. sjednici, održanoj 16. januara 2023. godine, donosi

R J E Š E N J E

o imenovanju Ocjenjivačkog suda za dodjelu javnih priznanja Zenice

I

U Ocjenjivački sud za dodjelu javnih priznanja Zenice imenuju se:

1. AZRA HALILIĆ
2. SUAD SKOPLJAK
3. HASAN OMERDIĆ
4. MIRZA HUSETIĆ
5. AMINA KARIĆ
6. ALDINA AGANOVIĆ
7. SENAD DŽANIĆ
8. SARA OSMANČEVIĆ
9. ZELDA DIZDAREVIĆ
10. HATIDŽA ŠARIĆ-TUFEKČIĆ
11. HANA BEGOVIĆ

II

Na konstituirajućoj sjednici Ocjenjivačkog suda Grada Zenica izvršit će se izbor predsjednika i zamjenika predsjednika Ocjenjivačkog suda Grada Zenica iz reda članova.

III

Zadaci Ocjenjivačkog suda Grada Zenica utvrđeni su Odlukom o javnim priznanjima Zenice („Službene novine općine Zenica“, broj: 10/01- prečišćen tekst).

IV

Mandat članova Ocjenjivačkog suda Grada Zenica traje dvije godine.

V

Ovo rješenje stupa na snagu danom donošenja, a objaviće se u „Službenim novinama Grada Zenica“.

Broj: 01-45-904/23

Zenica, 16. januar 2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

5.

Na osnovu člana 21. tačka 17), a u vezi sa članom 116. stav (3) Statuta Grada Zenica ("Službene novine Grada Zenica", broj 5/15), i člana 45. Poslovnika Gradskog vijeća ("Službene novine Grada Zenica", broj: 4/17, 4/20 i 10/21), Gradsko vijeće Zenica na 29. sjednici, održanoj dana 16.01.2023. godine, donijelo je

RJEŠENJE

o razrješenju i imenovanju predsjednika Komisije za izbor i imenovanja

I

Kenan Uzunović se razrješava dužnosti predsjednika Komisije za izbor i imenovanja u koju je imenovan Rješenjem Gradskog vijeća broj: 01-45-25748/20 od 24.12.2020. godine.

II

Denan Pašalić se imenuje na dužnost predsjednika Komisije za izbor i imenovanja.

III

Ovo rješenje stupa na snagu danom donošenja i biće objavljeno u "Službenim novinama Grada Zenica".

Broj: 01-45-905/23

Zenica, 16.01.2023. godine

PREDSJEDAVAJUĆI
GRADSKOG VIJEĆA ZENICA
Mirza Husetić, s.r.

GRADONAČELNIK

6.

Na osnovu člana 60. i 61. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19), člana 34. Statuta Grada Zenica ("Službene novine Grada Zenica", broj 5/15) i člana 26. Odluke o izvršavanju Budžeta Grada Zenica za 2022. godinu ("Službene novine Grada Zenica", broj 2/22) i Odluke o izmjenama Odluke o izvršavanju Budžeta Grada Zenica za 2022. godinu, broj: 01-11-25658/22 od 15.12.2022. godine, Gradonačelnik Zenice donosi

ZAKLJUČAK

o odobravanju izdvajanja sredstava iz tekuće budžetske rezerve

I

Odobrava se izdvajanje novčanih sredstava iz Budžeta Grada Zenica za 2022. godinu Kulturno-umjetničkom društvu "Gradina-Gradišće" Gradišće, u iznosu od 5.800,00 KM, u svrhu finansijske pomoći za radionicu šivanja narodnih nošnji.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2022. godinu, a u svrhu obezbjeđenja nedostajućih sredstava na organizacionom kodu 59010001 - Služba za socijalnu zaštitu, stambene poslove i društvene djelatnosti, ekonomski kod 614300 – tekući transferi neprofitnim organizacijama, funkcija 0862.

III

Za realizaciju ovog Zaključka zadužuje se Služba za socijalnu zaštitu, stambene poslove i društvene djelatnosti i Služba za finansije, koja će navedena sredstva uplatiti na račun Kulturno-umjetničkom društvu "Gradina-Gradišće" Gradišće, broj: 134-010-00004182-87 otvoren kod ASA banke d.d. Sarajevo.

IV

O utrošku sredstava korisnik je dužan podnijeti izvještaj Službi za socijalnu zaštitu, stambene poslove i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-26584/22

Zenica, 30.12.2022. godine

GRADONAČELNIK
Fuad Kasumović, s.r.

7.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi sa članom 34. tačka 6) i članom 117. Statuta Grada Zenica ("Službene novine Grada Zenica", broj: 5/15), Gradonačelnik Grada Zenica d o n o s i

R J E Š E N J E

o imenovanju Nadzornog odbora Javnog preduzeća „Parking servis” d.o.o. Zenica

I

U Nadzorni odbor Javnog preduzeća „Parking servis” d.o.o. Zenica, imenuju se:

1. Slaven Tomaš, diplomirani kriminalist i diplomirani pravnik,
2. Haris Alić, diplomirani inženjer arhitekture,
3. Adnan Bajramović, diplomirani inženjer saobraćaja i komunikacija.

Imenovani članovi Nadzornog odbora izabraće predsjednika između sebe.

II

Mandat izabranih članova Nadzornog odbora je u trajanju od četiri godine.

III

Ovo Rješenje stupa na snagu danom donošenja i objavit će se u „Službenim novinama Grada Zenica”.

Broj: 02-45-155/23

Zenica, 05.01.2023. godine

GRADONAČELNIK
Fuad Kasumović, s.r.

8.

Na osnovu člana 234. tačka k) Zakona o privrednim društvima ("Službene novine Federacije BiH", broj: 81/15 i 75/21), člana 24. Statuta Zeničke razvojne agencije ZEDA d.o.o. Zenica broj: 02-49-4244/17, 02-45-10243/21 i 02-24-18758/22, a u vezi s članom 34. tačka 6) i člana 117. Statuta Grada Zenica („Službene novine Grada Zenica”, broj: 5/15), te na osnovu Zahtjeva za razrješenje podnesenog od strane Amre Mehmedić, dana 06.01.2023. godine, Gradonačelnik Grada Zenica vršeci ovlaštenja Skupštine Zeničke razvojne agencije ZEDA d.o.o. Zenica, d o n o s i

RJEŠENJE

o razrješenju dužnosti člana Nadzornog odbora Zeničke razvojne agencije ZEDA d.o.o. Zenica

I

AMRA MEHMEDIĆ, diplomirani ekonomist, imenovana za člana Nadzornog odbora Zeničke razvojne agencije ZEDA d.o.o. Zenica Rješenjem Gradonačelnika, broj: 02-45-13765/21 od 12.07.2021. godine, razrješava se dužnosti člana prije isteka mandata, na lični zahtjev.

II

Imenovana se razrješava dužnosti člana Nadzornog odbora zaključno sa danom 28.12.2022. godine.

III

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-301/23

Zenica, 06.01.2023. godine

GRADONAČELNIK
Fuad Kasumović, s.r.

9.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 34. tačka 6) i člana 117. Statuta Grada Zenica ("Službene novine Grada Zenica", broj: 5/15), Gradonačelnik Grada Zenica d o n o s i

R J E Š E N J E**o imenovanju privremenog člana Nadzornog odbora Zeničke razvojne agencije ZEDA d.o.o. Zenica****I**

Imenuje se Ajla Čosić, diplomirani inženjer informacionih sistema, kao privremeni član Nadzornog odbora Zeničke razvojne agencije ZEDA d.o.o. Zenica.

II

Privremeni član Nadzornog odbora iz tačke I ovog Rješenja imenuje se do okončanja konkursne procedure izbora kandidata, a najduže na period od tri mjeseca.

III

Ovo Rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-325/23
Zenica, 09.01.2023. godine

GRADONAČELNIK
Fuad Kasumović, s.r.

10.

Na osnovu člana 34. i 117. Statuta Grada Zenica („Službene novine Grada Zenica“, broj 5/15) i člana 3. Odluke o potvrđivanju rezultata izbora za članove savjeta mjesnih zajednica na području Grada Zenica („Službene novine Grada Zenica“, broj 1/22), Gradonačelnik Grada Zenica donosi

R J E Š E N J E**o imenovanju povjerenika u MZ „Raspotočje“ i prestanku mandata ranije imenovanom povjereniku****I**

Fadil Hodžić, sa prebivalištem u Zenici, Gnjusanski put broj 87, imenuje se za povjerenika u Mjesnoj zajednici „Raspotočje“.

II

Za vrijeme mandata povjerenik će obavljati poslove i zadatke koji su, shodno važećim propisima, u nadležnosti Savjeta mjesne zajednice.

III

Manadat traje od dana stupanja na snagu ovog rješenja pa do potvrđivanja rezultata izbora za nove članove savjeta mjesnih zajednica u skladu sa Statutom Grada Zenica.

IV

Zvonki Akrapoviću, dosadašnjem povjereniku MZ „Raspotočje“, utvrđuje se prestanak mandata zbog ostavke na mjesto povjerenika u Mjesnoj zajednici „Raspotočje“.

V

Stupanjem na snagu ovog rješenja prestaje da važi Rješenje o imenovanju povjerenika u MZ „Raspotočje“ broj: 02-45-1480/22-22 od 02. 02. 2022. godine.

VI

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-17223-1/23
Zenica, 16.01.2023. godine

GRADONAČELNIK
Fuad Kasumović, s.r.

**JAVNA USTANOVA DOM-PORODICA
ZENICA
-UPRAVNI ODBOR-****11.**

Na osnovu člana 27. Uredbe sa zakonskom snagom o ustanovama ("Službeni list RBiH", broj: 6/92, 8/93) i člana 52. Pravila JU „Dom-porodica“ Zenica-prečišćeni tekst broj: 01-252/09 od 27.02.2009. godine u skladu sa Zahtjevom za regulisnje radno-pravnog statusa br: 01-2367/22 od 27.12.2022.godine, Upravni odbor JU „Dom-porodica“ Zenica na 13. (trinaestoj) sjednici, sazvanoj po hitnom postupku, održanoj dana 30.12.2022. godine, donio je

ODLUKU**o razrješenju dužnosti direktora JU “Dom-porodica” Zenica****I**

Upravni odbor JU “Dom-porodica” Zenica razrješava Draženku Subašić, mr.ecc. sa pozicije direktora JU “Dom-porodica” Zenica sa danom 31.12.2022. godine.

II

Ova odluka se dostavlja na saglasnost Gradonačelniku Grada Zenica.

III

Ova odluka stupa na snagu danom donošenja.

O b r a z l o ž e n j e

Dana 27.12.2022. godine direktorica JU “Dom-porodica” Zenica Draženka Subašić uputila je Zahtjev za regulisanje radno-pravnog statusa br: 01-2367/22 od 27.12.2022.godine za vrijeme obavljanja funkcije ministrice Kantonalnog ministarstva za obrazovanje, nauku, kulturu i sport, na koju je imenovana na sjednici Skupštine Zeničko-dobojskog kantona održanoj 23. decembra 2022. godine. Imenovana je u prilogu zahtjeva dostavila Odluku o potvrđivanju Vlade Zeničko-dobojskog kantona br: 01-01-19060/22 od 23.12.2022.godine.

Dražanka Subašić je na mjesto direktorice JU „Dom-porodica“ Zenica imenovana Odlukom o imenovanju Upravnog odbora broj: 01-1549/21 od 28.09.2021. godine i Rješenjem o imenovanju direktora JU „Dom-porodica“ Zenica broj: 02-49-10646/17 od 18.07.2017. godine od strane Gradonačelnika Grada Zenica.

Imajući u vidu navedeno, a postupajući shodno članu 52. Pravila JU „Dom-porodica“ Zenica - prečišćeni tekst broj: 01-252/09 od 27.02.2009. Upravni odbor JU “Dom-porodica” Zenica odlučio je kao u dispozitivu.

Broj: 01-2387/22

Datum: 30.12.2022. godine

PREDSJEDNICA
UPRAVNOG ODBORA
Sumea Mujkanović, s.r.

**JAVNA USTANOVA DOM-PORODICA
ZENICA
-UPRAVNI ODBOR-****12.**

Na osnovu člana 29. stav 4. Uredbe sa zakonskom snagom o ustanovama ("Službeni list RBiH", broj: 6/92, 8/93) i člana 52. Pravila JU Dom-porodica Zenica-prečišćeni tekst broj: 01-252/09 od 27.02.2009. godine, Upravni odbor JU „Dom-porodica“ Zenica na 13. (trinaestoj) sjednici, sazvanoj po hitnom postupku, održanoj dana 30.12.2022.godine, donio je

ODLUKU**o imenovanju vršioca dužnosti direktora JU
“Dom-porodica” Zenica****I**

Upravni odbor JU “Dom-porodica” Zenica imenuje Halila Arnauta, dipl. soc. pedagoga, na funkciju vršioca dužnosti direktora JU “Dom-porodica” Zenica.

II

Mandat imenovanog iz tačke I. ove odluke traje od 01.01.2023.godine do izbora direktora putem Javnog oglasa, a najduže šest mjeseci.

III

Radno-pravni status imenovanog iz tačke I. ove odluke će biti regulisan posebnim aktom.

IV

Ova odluka se dostavlja na saglasnost Gradonačelniku Grada Zenica.

V

Ova odluka stupa na snagu danom donošenja.

O b r a z l o ž e n j e

Upravni odbor je na trinaestoj sjednici, sazvanoj po hitnom postupku, održanoj dana 30.12.2022. godine prihvatio zahtjev Draženke Subašić, mr.ecc. za razrješenje dužnosti direktora, te istu u skladu sa Pravilima JU "Dom-porodica" Zenica i razriješio.

Pravilima JU "Dom-porodica" Zenica propisano je da u slučaju razrješenja direktora Ustanove prije isteka mandata na koji je imenovan, vršioca dužnosti direktora JU "Dom-porodica" Zenica imenuje Upravni odbor uz prethodnu saglasnost Gradonačelnika Grada Zenica.

U skladu sa navedenim Upravni odbor upućuje Odluku o imenovanju vršioca dužnosti direktora Ustanove Gradonačelniku Grada Zenica, radi dobivanja neophodne saglasnosti na istu.

Imajući u vidu gore navedeno, odlučeno je kao u dispozitivu ove odluke.

Broj: 01-2388/22

Datum: 30.12.2022. godine

PREDSJEDNICA
UPRAVNOG ODBORA
Sumea Mujkanović, s.r.

ZENIČKO-DOBOJSKI KANTON
MINISTARSTVO ZDRAVSTVA

13.

Na osnovu člana 200. Zakona o upravnom postupku („Službene novine FBiH“, broj 2/98, 48/99 i 61/22), člana 2. stav 1. Pravilnika o načinu pregleda umrlih, te utvrđivanja vremena i uzroka smrti („Sl. novine FBiH“, broj: 79/13 i 9/14) i člana 3. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Sl. novine Zeničko-dobojskog kantona“, broj: 8/18 i 4/19), u predmetu izmjene dispozitiva rješenja Ministarstva zdravstva kojim je imenovan mrtvozornik; u dijelu prezimena mrtvozornika, Ministarstvo zdravstva d o n o s i

R J E Š E N J E

o izmjeni rješenja o imenovanju mrtvozornika

I

U tački 1. dispozitiva rješenja Ministarstva zdravstva Zeničko-dobojskog kantona broj: 11-37-18294-1/18 od 25.03.2019. godine, pod rednim brojem 4. riječi: „Lukić“, zamjenjuju se riječima: „Šumar“.

III

Ovo rješenje čini sastavni dio rješenja Ministarstva zdravstva broj: 11-37-18294-1/18.

IV

Ovo rješenje će se objaviti u „Službenim novinama Grada Zenica“.

O b r a z l o ž e n j e

JU “Dom zdravlja“ Zenica dostavila je Ministarstvu zdravstva akt broj: OU-01.1-99-42595/22 od 30.11.2022. godine, u kojem navodi da za dr Ninu Šumar, koja obavlja poslove mrtvozornika na području Grada Zenica, dostavlja izvod iz matične knjige rođenih broj: 10-13-1-13846/2019 od 29.03.2022. godine, izdat od Grada Zenica.

U provedenom postupku izvršen je uvid u spis Ministarstva zdravstva broj: 11-37-18294/18, akt JU “Dom zdravlja“ Zenica i dostavljeni izvod iz matične knjige rođenih.

Uvidom u rješenje o imenovanju mrtvozornika Ministarstva zdravstva broj: 11-37-18294-1/18 od 25.03.2019. godine, na nesporn način je utvrđeno da je dr Nina Lukić imenovana za mrtvozornika, odnosno doktora medicine za obavljanje pregleda umrlih, te utvrđivanje uzroka smrti osoba umrlih izvan zdravstvene ustanove na području Grada Zenica, na period od četiri godine.

Uvidom u izvod iz matične knjige rođenih broj: 10-13-1-13846/2019 od 29.03.2022. godine, izdat od Grada Zenica, na ime Šumar Nina, na nesporn način utvrđeno je da je Nini odobrena promjena prezimena sa „Lukić“ na „Šumar“.

Imajući u vidu navedeno, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja može se izjaviti žalba Federalnom ministarstvu zdravstva u roku od 15 dana od dana prijema rješenja. Žalba se podnosi u dva primjerka, putem Ministarstva zdravstva Zeničko-dobojskom kantona, usmeno na zapisnik ili pismeno.

Broj: 11-37-18294-6/18

Datum: 28.12.2022. godine

MINISTRICA

dr. Tanja Radoš Kosić s.r

S A D R Ź A J**GRADSKO VIJEĆE**

- | | |
|---|----|
| 1. Plan korišćenja javnih površina na području Grada Zenica za 2023. godinu | 1 |
| 2. Odluka o izmjeni Odluke o komunalnim djelatnostima zajedničke potrošnje | 9 |
| 3. Rješenje o imenovanju stručnih komisija za utvrđivanje prometne vrijednosti nekretnina na području 10 Grada Zenica | 10 |
| 4. Rješenje o imenovanju Ocjenjivačkog suda za dodjelu javnih priznanja Zenice | 11 |
| 5. Rješenje o razrješenju i imenovanju predsjednika Komisije za izbor i imenovanja | 11 |

GRADONAČELNIK

- | | |
|---|----|
| 6. Zaključak o odobravanju izdvajanja sredstava iz tekuće budžetske rezerve | 12 |
| 7. Rješenje o imenovanju Nadzornog odbora Javnog preduzeća „Parking servis” d.o.o. Zenica | 13 |
| 8. Rješenje o razrješenju dužnosti člana Nadzornog odbora Zeničke razvojne agencije ZEDA d.o.o. Zenica | 13 |
| 9. Rješenje o imenovanju privremenog člana Nadzornog odbora Zeničke razvojne agencije ZEDA d.o.o. Zenica | 14 |
| 10. Rješenje o imenovanju povjerenika u MZ „Raspotočje“ i prestanku mandata ranije imenovanom povjereniku | 14 |

JAVNA USTANOVA DOM-PORODICA ZENICA

- | | |
|---|----|
| 11. Odluka o razrješenju dužnosti direktora JU “Dom-porodica” Zenica | 15 |
| 12. Odluka o imenovanju vršioca dužnosti direktora JU “Dom-porodica” Zenica | 15 |

MINISTARSTVO ZDRAVSTVA ZENIČKO DOBOJSKOG-KANTONA

- | | |
|---|----|
| 13. Rješenje o izmjeni Rješenja o imenovanju mrtvozornika | 17 |
|---|----|